




Noha e dulang e le nngwe

E ngotswe ke Sanelisiwe Maliza | Ditshwantsho ka Shadrack Munene

“Ssssss,” ha lla Ledinyane la Noha.

Ha Ledinyane la Noha Le tswa ka mokoting wa lona ho ya bapala, diphoofolo tsohle di ne di baleha. Dinonyana di ne di fofela makaleng a ka hodimodimo sefateng. Ditweba di ne di nyamela. Ledinyane la Noko le ne le kgutlela ka ntlwaneng ya lona sefateng se mokoti.

“Hobaneng ha diphoofolo tse ding di sa nthate, Mme?” ha lla Ledinyane la Noha. “Kamehla ha ke tswela ka ntle ho ya bapala le tsona, di a mpaleha le pele ke di dumedisa.”

“Di utlwile dipale tse mpe ka dinoha. Diphoofolo di nahana hore dinoha ha di a loka. Di a re tshaba,” ha rialo Mme Noha.

Ledinyane la Noha la shebella le le ka mora
lefika ha diphoofolo tse ding di ntse di
bapala mmoho. “Di shebahala jwaloka haeka
di bapala ha monate,” la rialo le hloname.

Ledinyane la Noha la utlwa sello.
La hahabela haufi.

Sehlopha sa madinyane a kharakhale se ne
se soma le ho tshwela Ledinyane la Noko.

Ka kopo emisang,” ha lla Noko.

Ledinyane la Noha la hahabela haufi ho feta.




“SSSSSSSSSSSSSSSSSSSS!”

Bonkwapo ba tshoha, ba baleha
ka lebelo le leholo.

“Ke a leboha,” Noko ya hoeshetsa..

“Ha ho bothata,” ha rialo
Ledinyane la Noha. “Dula o ena
le nna wena, mme methaka eo e
keke ya hlola e o tshwenya hape. ”



Ho fihlela kajeno, Noha le Noko
di phela ka thabo, mmoho.

Noha e dulang e le nngwe

E ngotswe ke Sanelisiwe Maliza • Ditshwantsho ka Shadrack Munene

Mehopolo eo le ka buang ka yona

O nahana hore madinyane a katse e hlaha a ne a lokela ho etsang ha Ledinyane la Noko le re, "Ka kopo emisang"?

Na o nahana hore Ledinyane la Noko le ne le maketse ha Ledinyane la Noha le le thusa? Hobaneng?

Ke mofuta ofe wa dipale tseo o di utlwileng kapa o di badileng mabapi le dinoha?



Setshwantsho

Taka setshwantsho sa noha. Taka ka mmala le ho eketsa pudulana ya puo. Ngola modumo o etswang ke noha ka pudulaneng ya puo.



Ho bala

Bala sehlooho sa pale. Jwale iqapele tse pedi tsa dihlooho tsa pale ya hao.



Ho ngola

Ka sebopeho sa noha, ngola fatshe mantswe a hlalosang dinoha.



Mosebetsi wa matsoho

Sebedisa dithutswana tsa mollo le hlama ya ho bapala kapa letsopa ho etsa dinoko le dinoha.



Tshebetso

Tsamaya jwalo ka diphoofolo tse paleng: meneka jwalo ka noha, potoloha ha o ntse o senya sefahleho le ho tshwela jwalo ka madinyane a katse e kgolo, bontsha masiba a hao jwalo ka noko.

